


Ndunngu

# Bataake Bunndu

Jaaynde Humpitorde Ladde Reenaande Renndaande nde Bunndu

Jaaynde nde yubbini KORENA – Kisnirgal LRR (RNC) Bunndu



## Njaaynirka

*kudol hooreejo KORENA, Hooreejo Dental Diiwaan Tammbaakunndaa*

Ndee **Ladde Reenaande Renndaande (RNC)** nde Bunndu ko njaajeendi kesiri renndaandi ina hisnaa nde 120 000 ektaar, hakkunde fahndeeji Gudiri e Bakkel. Ko dum njeñcudi liggeey juutdo ngam waylaare diiwaan badeteedo e mum waaño turiste (diiwaan deennaado mo Kusan). Ndee feere nokkuure, toddiinde dente dowri 4, tuugnii ko e kuugal 96-06 ngal 22 marse 1996 hokkungal dente nokkuuje dee mbaawka hisnude e reende ngaluuji laddeyankooji diiwaan majje. Dental Diiwaan ngal Tammbaakunndaa, Dental Kuubtidinngal ngal Iseer e wallidiibe wodbe, ina dofta cosgol ndee ladde reenaande, wonoyoore nokku deenirfo e kisnirfo taariindi e bamtaare nokkuure duumiinde, wonande gure taariide dee.

**Bataake Bunndu** maa won kuutorgal kumpitgol reggondirngol wonande gollotoobe e wallidiibe e golle RNC dee...ina waawi nih dum jibina te softina peeje godde ba'de nih ! E nder ndee tonngoode idannde, tawi Ladde Reendaande Renndaande ina woni e darneede, maa on kumpito golle gadane badaade to banng e jande ndee.

MAMADOU SALIOU BA

## Bisimillah feewde e...

**Abdullaay Kante** mo Kusan, yantii, e no goonjiri, e Goomu karallaagal Ladde Reenaande ndee, e nder KORENA, e wonde mo **deenoowo jirwinoowo**. Gollal makko teertungal wonata ko jeyeede e reengol e hisnugol ladde ndee, tawa noon omo feja jokkondiral duumingal hakkunde makko e yimbe ca'e taariide dee. Keleer Kelemaa, jarlitaniido bamtaare mo Dental Kuubtidinngal ngal Iseer, o woni kadi toppitiido ballal feewde e ebboore ndee ina ara timmitina goomu nguu, hade garal yimbe hesbe (be damini-d'en !)

## Dude dee e nder golle

E nder janngingol feewtude e taariindi ndii, ekol oo ko nokku cubaado ngam artirde hakkillaaji sukaabe bee e farwugol neesu taariingu be nguu. Gila e fuddoode ebboore ndee, dente 5 neesu taariindi ndarnaama e nder ekolaaji Kusan, Belli, Tummbura, Sansandij e Dide, ko dente jeyaade de FCPN (Kawtal Dente ngam Anndude e Reende Neesu Taariindi ndii).

So dum yawtii, e awiril jawtudo doo oo, gargol goomu heblotoobe ngu IUFM mo Goronobal addii feere feje njubbudi jeewte hakkunde ekolaaji RNC dii e di Iseer, feewtude e tiitoode jokkondirde e sifaaji taariindi.

Ngam yiilde dee golle fof ngonndude e damawu, jannginoobe e gure gonde e njaajeendi ladde reenaande ndee ndentii ngam darnude "Ko-Kodek mo Bunndu", ko feere nde jabbii IDEN mo Bakkel. Ko nih woni, udditgol ekolaaji e 2009 ina daminaa maa heew golle e dowri ndii, te eden padi, e nder heppere golle gadane sukaabe janngoo-bee !



**Beyditaade kabaruuji...**  
www.fcpcn.org

## LRR (RNC) Bunndu jibinaama !

Caggal goomu tatabu ngam rewindo ebboore ndee, e feburiiye jawtudo oo, dente dowri 4 gondi e ebboore ndee kesditiiniino pellital mum'en e sosde ladde hisneteende ndee e dow huunde e njaajeendi diiwaan majje.

Nde dum wadi, alaa harkadi ko heddinoo so wonaa goonjinde dum, e nder diisnondiral e dental dowri kala...ko wadaa gila e lewru Suwey, dental dowri kesal ngal Tummbura yeewtii dum e batu mum gadanu...hade ndunngu nguu yettaade, uf !

Ladde Reenaande Renndaande Bunndu, sosaa hannde oo ko e dente dowri de Duge, Kusan, Siñcu Fisa e Tummbura. Sabaabu nde mbaadi mum wonde dental renndangal, GIC mo Bakel ina huufi kadi ebboore ndee (diisnondiral ngal 31/12/2008).

Ladde Reenaande ndee nani e laawol, ñaagano-d'en nde "Laawol Jam !"



*Batu gadanu jannginoobe e RNC mo Bunndu to Kusan e Suwey 2009*

## LRR to limooje

**120 000** ektaar njaajeendi ladde reenaande.

**6 000** Limoore hodbe e LRR

**21** Limoore gure gonde e LRR

**4** Limoore kominote riiraluuji jeyaadi heen

## LRR e nder aduna oo

*E nder Farayse, LRR nde Bunndu maa hollite e moobondiral ngenndiyal Parkuujji Neesu-yankoojji Diiwaniyankoojji, ngal yubbinta PNR mo Sarterees (Iseer) ñande 30 settambur garoowo oo.*

Ko buri hitaande, PNR mo Werkoor e mo Sarterees e mo Milwaas en Limousin kollitii mballundi mum'en e ebboore nde be nji'i e mum ko nanndi e ko be ngollotoo e Farayse. Nde wonde "parkuujji neesuyankoojji diiwaaniyankoojji cosiraa ko ngam reende e yeñcinde boowe mawde dowriyankoojji kodaade", dum ne kadi ko faandare ladde men reendaande ndee ! Ko nih woni, e nder kollirgal nde jogitii Dental Kuubtidinngal ngal Iseer e PNR mo



Milwaas, tawtoraabe Moobondiral ngal maa keb feere humpitaade e annude LRR mo Bunndu e golle bamtaare gadane nokku oo jogorde arde.

**Beyditaade kabaruuji...** [www.parc-naturels-regionaux.tm.fr](http://www.parc-naturels-regionaux.tm.fr)

## E nder gure dee...

### KOMINOTE RIIRAL TUMMBURA

**Safirde Tummbura** ndee fuddiima gollaade hannde oo. Cafroowo gooto fuddiima heen liggaade e lewru mee, te woyndu asaama heen.

*Ballidiido: AMD*

**Suudu Safirdu mo Sansandij** mahaa-ma. Maa ndu addane kuutorde so ndunngu nguu joofii tan.

*Ballidiido: PNDL*

### KOMINOTE RIIRAL KUSAN

Golle dee halfinaama ngam gasgol **fooraas mo Kusan.**

*Ballidiido: PNDL*

## E ko taarii Ladde Reenaande ndee ?

*Nde tawnoo ladde reenaande ndee toddii ko ko buri gure 20 e ko taarii dum, min cubii ko haalde peeje nokkuuje dee e ebbooji gondi e yubbineede e ko taarii LRR ndee.*

Ko ina wona jooni hitaande, **Fedde nde wonaa laamuyankooore Tostan** ina golloo e gure 10 diiwaan Gudiri oo, heen gure didi njeyaa ko e njaajeendi reenaandi ndii : Kusan e Talibaa-ji. Nde wonde e kala wuro jannginoowo "ballitoowo" ina golloo doon e kala sahaa, fedde ndee ina janngina e demngal nokku oo teentinnal momtugol humambinnaagu e janngugol joggandi aadee. Jande ndee buri toddaade ko roofolbe bee (rewbe e sukaabe) be kebaa-ni janngude e dufe farayse dee ; ndeen jande ina wafa feere hebindaade fannuujji keewdi j okkiidi e cellal, laabal e senaare, joggandi rewbe, reengol taariindi ndii...Ngo ebboduumoto ongu lebbi 30, maa jibin fuddoode golle tiidde gondude e coftal e nder gure dee.

Ngaal coftal yiitiniima gila jooni e mahgol kaatane moyyitinaade e yubbingol golle laab-labbin (set setal) yontere kala (pittugol e labbingol mawngol e nder wuro) !

## Ko arata ?

**15-17 nowammbur**  
Ñalawmaaji teddiniraadi

**17 Nowammbur**  
Goomu rewindo 4bu RNC mo Bunndu to Tammbaakunndaa.



Dente hakkunde gure dee njubbi-naama, ko wa'i no to Dulayaabe ñande 25 Sulyee jawtudo oo, do elewaaji dii kolliri mago feew-tungo "dewle law e dewle waawnere"

**Mago elewaaji to Dula-yaabe e Sulyee 2009**

**Beyditaade Kaba...**  
[www.tostan.org](http://www.tostan.org)



### Ladde Reenaande

#### Renndaande nde Bunndu

Ko ebboore Dente Dowri (KR) **Duge, Kusan, Sifcu Fissa, Tummbura e GIC (Dental Bamtaare Renndaande) mo Bakkel.**

*E nder gollondiral tellitinangal hakkunde Iseer e Tammbaakunnda, e ballal ARD, gollorde karalleeje dee, ebbooji e porogaramuujji Diiwaan oo.*



**PNNK**  
Parc National du  
Niokolo Koba

INSPECTION  
d'Académie de  
Tambacounda

### JOKKONDIRAL :

#### KORENA

**Kisnirgal RNC ngal Bunndu**

Kusan, WB 238 Tammbaakunnda-Senegaal  
[Corena.tamba@hotmail.com](mailto:Corena.tamba@hotmail.com)

#### Keleer Kelemaa

Kalfinaado Ballitgol e Kisnal RNC  
(00 221) 77 713 92 79

**ARD mo Tammbaakunndaa-Catal Bakkel**  
**Mammadu FADE**

Hoorejo Catal

(00 221) 77 511 51 26

[fademamadou@yahoo.fr](mailto:fademamadou@yahoo.fr)

**ballundi** : Mammadu Saaliw Bah (Hoorejo Dental Diiwaan), Abdul Asiis Tannjaa (ARD), San Bayon (Iseer)  
**/di nate** : © Keleer Kelemaa - **Peeewnugol Lelngo Winndugol** : Keleer Kelemaa- **Fulo** : Ibrahiima Seydu Jah